



Naalackersuisut Siulittaasuat

-/ MAANI

Ulloq: 22. august 2013

J.nr.: 20.21.04/06-00006

Inatsisartunut illutatigut atugassarititaasut pitsanngorsaaviginissaat pillugu

Asasara Aleqa,

Partiinik naalackersuinikkut suliaqartunik tusarniaareermermi taperseerqareermermilu Inatsisartut taakkulu allaffeqarfiata illorsuassaannik nutaamik sanaartortitsinissaq siunertaralugu sanaartortitsinissamut aaqqissuullugu pilersaarusiamik aallartitsinissaq Siulittaasoqarfimmit aalajangiunneqarpoq.

Piorsarsimassutsikkut immikkuullarissutsitsinnik ersersitsinissamut illorsuaq taamaattoq piukkunnaateqartut Siulittaasoqarfimmit isumaqarfigineqarpoq. Illorsuaq takuminartoq atortussanik nunami namminermit pilersitanik sananeqaatilik nunaqavissunillu sananeqartoq inuiaqatigiit akornanni tulluusimaarutiginninnermik nassataqassaaq.

Maannakkut piffissanngorpoq Naalackersuisut suliniummut uunga soqutiginnittut akuutinneqalernissaat, tassami Inatsisartut Naalackersuisullu ataqatigiinnerat tamatumalu ulluinnarni ingerlanneqarnera tamarmik akisussaaffigimmassuk soqutigisaralugulu. Tamannalu siunertaralugu una allagaq nassiuunneqarpoq.

Illorsuup 3.000 kvadratmeterit missaarlugit angissuseqarnissaa sananeqarnerminilu 100 mio. kr.-it missaarlugit akeqartussatut maannamuugallartoq missiliorneqarpoq. Aningaasalersueriaaseq Aantuukasimmi napasuliami allaffeqarfimmik nutaamik sanaartortitsinermit aningaasalersueriaaseq Naalackersuisunit atorneqartoq assigalugu Illuut A/S aqutugalugu Sanaartortitsinerup realkredit-i atorlugu aningaasalersorneqarnissaa naatsorsuutigineqarpoq. Sanaartortitsinerup 2014-imi aallarnisarneqarsinnaanissaa kissaatigineqarpoq.

Tamanna tunngavigalugu Inatsisartuni Siulittaasoqarfiup tunngavissiatigut arlalitsigut Inatsisartut Allattoqarfiat qinnuigivaa suliasamut attuumassutilinnut ilisimasalinnut atassutaqaqullugu. Taakkulu atassuteqarfigisartakkanik pilersaarusiap ingerlateqqinneqarnermini allaffissornikkut ataqatigiissaarneqarnissaa siunertaralugu Naalackersuisut allaffeqarfianni toqqagaasunik tapertalerneqarnissaat kissaatigineqarpoq.



INATSIARTUT
SIULITTAASUAT

Sanaartugassamut piumaartumut toqqavissamik tulluurtumik nassaarniarneq maannakkorpiaq unammilligassaq pingaartuuvoq. Massakkut qitiusumik allaffeqarfiusup Naalakkersuisunit ingerlanneqarlunilu atorneqartup, naluneqanngitsutullu piiarneqarnissaa siunnersuutigineqarsimasup ilaanut taarsiullugu Inatsisartut illorsuassaata nutaap napparneqarnissaa pilerinarnerusutut pitsaanerusetullu maannangaaq isikkoqarpoq. Soorunami periarfissat allat isumaliutigineqarsinnaapput. Tamakkulu pillugit Siulittaasoqarfik tusagaqarusooqaaq.

Aaqqissuullugu pilersaarusiap sapinngisamik piaartumik aallartinneqarnissaata Siulittaasoqarfimmit kissaatigineqarnera tassunga atatillugu oqaatigineqassaaq.

Peqatigalugulu 2014-imi ukiakkut ataatsimiinnermi Inatsisartut sanaartortitsinissamut tapersiinissaat siunertaralugu ilimagineqarsinnaasutullu aningaasanut inatsisissatut siunnersuutip aappassaaneerlugu suliarineqarnissaanut allannguutissatut siunnersuummik tapertalerlugu aalajangiiffigisassatut siunnersuummik saqqummiussaqaarniarluni Siulittaasoqarfik aalajangiussisoq oqaatigisinnaavara, taamaalillunilu 1,5 mio. kr-inik ineriartortitsinermut aaqqissuussamillu pilersaarusiormut atugassanik aningaasaliisoqarluni

Ilanngussat kakkiunneqartut paasissutissanik sukumiinerusunik piniaraanni takuneqarsinnaapput.

Piaartumik akineqarnissamik kissaateqarlunga.

Inussiarnersumik inuulluaqqusillunga

Lars-Emil Johansen